



Concello de Vigo

YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 24 de novembro de 2022**, adoptou o seguinte acordo:

18. APROBACIÓN INICIAL DO PROXECTO DE URBANIZACIÓN DO POLÍGONO INDUSTRIAL DA PASAXE (FASE I) NOS CONCELLOS DE GONDOMAR E VIGO. EXPTE. 5287/401.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Dáse conta do informe-proposta de data 15/11/2022 asinado pola técnica de Admón. Xeral, o enxeñeiro de camiños, canais e portos, a xefa da Área de Desenvolvemento Urbanístico e o xerente de Urbanismo, e sometido a acordo do Consello de Xerencia da Xerencia municipal de Urbanismo de data 22/11/2022, que di o seguinte:

ANTECEDENTES E FEITOS

I. Compre traer a colación como antecedentes e feitos máis salientables do presente expediente e do que trae causa, os que seguen:

Con data do 30.04.2014, o Consello da Xunta de Galicia acordou, prestar aprobación con carácter definitivo ao Plan Sectorial de Ordenación de Áreas Empresariais de Galicia (DOGA do 05.05.2014), cuxo obxecto e delimitar unha área empresarial nomeada P.I. A PASAXE – VINCICIOS (código 36021011) cunha área total de 586.947,00 m².

Posteriormente, o 15.09.2016 o Consello da Xunta de Galicia acordou a aprobación definitiva e as disposicións normativas da *Modificación do Proxecto Sectorial do Polígono Industrial de “A Pasaxe” nos concellos de Gondomar e Vigo (DOG núm. 187 do 30.09.2016)*, sendo este o proxecto sectorial vixente na actualidade e ao que se refire o proxecto de urbanización que nos ocupa.

Con data do 11.12.2018 foi recibido escrito do Concello de Gondomar, instando a conformidade municipal para a tramitación e posterior aprobación do proxecto de reparcelación do mencionado Polígono (Exp. 5225/401).

Así as cousas, con data do 27.12.2018 a Xunta de Goberno Local do Concello de Vigo, acordou prestar conformidade á tramitación administrativa referida na solicitude asinada o 04.12.2018 polo Alcalde do Concello de Gondomar, salientando que esta deberá desenvolverse respectando o ámbito competencial do Concello de Vigo e a normativa de aplicación, instrumentando para elo os mecanismos de colaboración necesarios entre ambas Administracións; o acordo advertía que debería solicitarse do Concello de Vigo a conformidade ou aprobación daqueles instrumentos que afecten ao ámbito das súas competencias segundo a normativa urbanística.

Mediante senllas Resolucións da Alcaldía do Concello de Gondomar de datas 20.12.2019 e 04.02.2020, prestouse aprobación definitiva ao Proxecto de Reparcelación do Polígono 1 do Proxecto sectorial de incidencia supramunicipal do Polígono Industrial “A Pasaxe” (BOP núm 14 do 22.01.2020 e BOP núm. 31 do 14.02.2020).

Pola súa banda e no que atinxe ao trámite ambiental, con data do 31.08.2022 a Dirección xeral de calidade ambiental e cambio climático ditou Resolución, pola que se formula o informe de impacto ambiental do proxecto de urbanización do polígono industrial da Pasaxe (FASE I), nos concellos de Gondomar e Vigo, promovido polo concello de Gondomar, concluíndo que non son previsibles efectos significativos sobre o medio ambiente e, polo tanto, non se considera necesario someter o proxecto a avaliación de impacto ambiental ordinaria; debendo cumprirse as condicións ambientais do punto 4 do informe ambiental, que indica que, indica: *“que no desenvolvemento do proxecto aplicaranse as medidas protectoras, correctoras e de vixilancia ambiental propostas na documentación presentada polo promotor na tramitación ambiental, tendo en conta así mesmo as seguintes condicións que complementan, matizan ou subliñan as anteriores .*

Finalmente, con data do 24.10.2022 tiña entrada no rexistro electrónico da Xerencia municipal de urbanismo do Concello de Vigo, un escrito do Concello de Gondomar, ao que achega a seguinte documentación: Proxecto de urbanización elaborado pola consultora IDOM, datado en maio de 2017, proposta de acordo pola que se dispón a aprobación inicial do proxecto de urbanización do polígono 1 do proxecto sectorial de Incidencia Supramunicipal de A Pasaxe,- no que se reproduce na súa literalidade o informe favorable á presente actuación asinado polo arquitecto municipal o 12.09.2022 así como o informe xurídico favorable do 18.09.2022, que serviron de base ao acordo adoptado pola Xunta de Goberno local con data do 19.09.2022.

II. Examinada a antedita documentación, con data do 14 de novembro de 2022 o enxeñeiro de camiños, canais e portos adscrito ao servizo de urbanización e infraestruturas desta XMU, emite informe técnico, de carácter favorable a actuación proposta, cuxo alcance límitase á avaliación do dito proxecto de urbanización de cara á súa aprobación inicial e avaliando, exclusivamente, aqueles aspectos do mesmo que teñen impacto sobre o ámbito competencial do Concello de Vigo, do que se extracta a continuación o seu contido técnico

“(…)1. Análise da documentación presentada.-

1.1. Memoria

O proxecto contén unha memoria na que se expón, de xeito resumido, o alcance do proxecto, os seus obxectivos e as súas características principais de deseño. A data de sinatura deste documento e de maio de 2017.

Defínense as obras de urbanización do polígono I dos dous nos que se divide o proxecto de urbanización do complexo industrial de A Pasaxe, cunha superficie a urbanizar de 204.426,71 m² Preténdese así, ordenar a trama industrial xa existente o marxe do planeamento dotándoo das infraestruturas e servizos necesarios.

Segundo a documentación achegada polo promotor, proxéctanse novos viarios coincidentes, na medida do posible, cos trazados actuais e inclúense unha serie de rotondas para mellorar o fluxo e a accesibilidade A máis, describíense as obras necesarias para a instalación das redes de saneamento de pluviais, sanitarias e residuais así como a rede de abastecemento para a cal tamén se proxecta unha ETAP. Por outra banda, instalaranse as infraestruturas necesarias de rede eléctrica, alumeado público e telecomunicacións.

1.2. Anexos

No referido á descrición e xustificación das solucións adoptadas que figura nos Anexos do proxecto compre realizar as seguintes apreciacións:



Concello de Vigo

Anexo 01: Topografía

Achégase como apéndice 1 a topografía base da urbanización do P.I. A Pasaxe. Sen comentarios relevantes para esta aprobación inicial.

Anexo 02: Xeoloxía e xeotécnica

O proxecto incorpora un estudo xeotécnico para a avaliación das características particulares dos terreos. Non corresponde ó alcance desta aprobación inicial o análise da suficiencia dos ensaios realizados nin a interpretación dos mesmos que, por outra banda, está asinada por técnicos competentes na materia.

Anexo 03: Movemento de terras

Achégase unha análise dos movementos de terras previstos nas obras de urbanización. Non se atopan no mesmo referencias concretas ás medidas de protección descritas no Informe de impacto ambiental de data 31.08.2022.

De cara á posterior aprobación definitiva, débese referir a concordancia con estas medidas.

Anexo 04: Trazado

Especificanse as características de trazado dos viais do polígono, que á súa vez se clasifican entre principais e secundarios

Compre destacar que só unha pequena parte deste trazado se desenvolve sobre terreos que actualmente pertencen ao Concello de Vigo. Neste sentido consta informe do xefe de cartografía da Xerencia Municipal de Urbanismo de Vigo no marco do expte. nº 5225/401 no que se recolle o límite entre ambos termos municipais.



Imaxe 1 Reproducción de parte do plano achegado polo xefe de Cartografía da XMU de Vigo. O límite entre termos municipais gráfase en amarelo

Anexo 05: Firmes e pavimentos

O documento describe os criterios xerais que se tiveron en conta para o deseño dos paquetes de firmes das calzadas e a súa adaptación ás características xeotécnicas do terreo.

Do mesmo xeito, se xustifica o dimensionamento dos pavimentos empregados nas beirarrúas e aparcamentos. No caso dos pavimentos en beirarrúas compre actualizar a referencia á normativa de accesibilidade vixente a adaptarse aos seus requirimentos.

Anexo 06: Drenaxe de pluviais

O obxecto deste anexo é o dimensionamento das obras de drenaxe e a xustificación dos sistemas de evacuación de auga no ámbito de actuación. Proxéctanse nesta fase dúas redes de colectores de recollida de augas pluviais que transporta a escorrentía superficial de viais e parcelas ata o punto de desaugadoiro máis conveniente. Pasando previamente polos correspondentes tratamentos.

A máis, describíense as técnicas de drenaxe urbana sostible incorporadas ao proxecto.

Máis aló de verificar a inclusión dos preceptivos estudos, non comprenden observacións a estas redes en tanto que o seu deseño e posterior mantemento resultan alleos ao Concello de Vigo.

Anexo 07: Rede de saneamento de residuais

Especifícanse os criterios de dimensionamento e as características principais de das redes de colectores a augas residuais que forman parte do sistema de saneamento.

Non se atopan no proxecto os informes das empresas concesionarias ou dos servizos municipais que vaian asumir o mantemento futuro desas redes. Tampouco se atopan referencias á EDAR receptora destas augas residuais.

Máis aló de verificar a inclusión dos preceptivos estudos, non comprenden observacións a estas redes en tanto que o seu deseño e posterior mantemento resultan alleos ao Concello de Vigo.

Anexo 08: Rede de abastecemento

O obxecto do anexo é a definición das redes de abastecemento de auga potable e contra incendios da Fase I do Polígono Industrial de Pasaxe, así como das instalacións necesarias para garantir ambas as subministracións. Proxéctase mediante unha soa rede, en Polietileno con diámetros que varían entre 90 e 250 mm.

A captación de auga realízase a través dunha conexión coa correspondente derivación na conducción de auga bruta existente que procede da Presa de Zamáns e que fornece á ETAP de Nigrán. Esta derivación fornecerá auga bruta á ETAP proxectada para o uso exclusivo do polígono.

Nesta primeira fase bombéase a auga desde o depósito de auga tratada á rede de abastecemento e reflíctese que na fase posterior realizarase unha estación de bombeo na ETAP que impulse a auga ata un depósito de cabeceira, situado a unha cota elevada que garanta a subministración de auga potable mediante gravidade e que leve a cabo automaticamente a regulación precisa.

Máis aló de verificar a inclusión dos preceptivos estudos, non comprenden observacións a estas redes en tanto que o seu deseño e posterior mantemento resultan alleos ao Concello de Vigo.

Anexo 09: Cálculos de proceso, hidráulicos e especificacións de equipos da ETAP

Xustifica o dimensionamento dos procesos da ETAP, tanto da liña de auga como da liña de lodos xustificando o cumprimento dos valores deseño recomendados en bibliografía e normativa técnica.

Compre verificar por parte dos proxectistas que os cálculos se adaptan ás modificacións introducidas polo RD 902/2018, de 20 de Xullo (modificación do RD 140/2003, de 7 de febreiro, criterios sanitarios da



Concello de Vigo

calidade da auga de consumo humano e as especificacións dos métodos de análises do RD 1798/2010, de 30 Dic.).

Anexo 10: Deseño, cálculos eléctricos e de alumado.

Refírese que a rede eléctrica de Baixa Tensión (BT) e de Media Tensión (MT) son deseñados pola empresa encargada da subministración eléctrica da zona: Unión Fenosa, quedando o deseño, criterios e trazado da rede dentro dos proxectos da empresa de subministración. Inclúese no apéndice 1 a documentación facilitada por Fenosa en relación á rede eléctrica de media e baixa tensión. Nos planos do proxecto recóllense os planos desta comunicación de Fenosa.

Máis aló de verificar a inclusión dos preceptivos estudos, non comprenden observacións a estas redes en tanto que o seu deseño e posterior mantemento resultan alleos ao Concello de Vigo.

Anexo 11: Rede de telecomunicacións

Descríbese o deseño de Infraestrutura de Rede de Telecomunicación para dotar ao Polígono Industrial da Pasaxe da infraestrutura necesaria que permita o servizo de telecomunicacións ás parcelas presentes na ordenación do Polígono.

Anexo 12: Estruturas.

Descríbense as estruturas proxectadas no proxecto de urbanización. Dado o tempo transcorrido dende a redacción do proxecto, compre unha actualización da normativa e una verificación de cumprimento.

Non corresponde ó alcance desta aprobación inicial o análise dos cálculos realizados que, por outra banda, están realizados por técnicos competentes na materia

Anexo 13: Restitución natural do leito do río Zamáns.

Reflictense as actuacións previstas que deberan axeitarse ao condicionado que figura no informe de impacto ambiental de data 31.08.2022.

Anexo 14: Sinalización e mobiliario urbano

Sen comentarios relevantes para esta aprobación inicial una vez verificada a súa inclusión no documento.

Anexo 15: Bens e dereitos afectados

Sen comentarios relevantes para esta aprobación inicial una vez verificada a súa inclusión no documento.

Anexo 16: Xustificación de prezos

Sen comentarios relevantes para esta aprobación inicial una vez verificada a súa inclusión no documento. Semella precisa a actualización dos prezos dado o prazo transcorrido dende a redacción do proxecto.

Anexo 17: Plan de obra

Sen comentarios relevantes para esta aprobación inicial una vez verificada a súa inclusión no documento.

Anexo 18: Estudo de seguridade e saúde

Sen comentarios relevantes para esta aprobación inicial una vez verificada a súa inclusión no documento.

Anexo 19: Xestión de residuos

Sen comentarios relevantes para esta aprobación inicial una vez verificada a súa inclusión no documento.

1.3. Planos

Sen comentarios relevantes máis aló dos derivados das observacións que forman parte deste informe

1.4.Prego

Corresponde ó proxectista velar por una correspondencia entre as unidades descritas no PPTP e as descrición incluídas nos prezos do presuposto. Do mesmo xeito debe velarse por unha correspondencia entre as condición de abono descritas e as formas de medición dispostas para cada un dos prezos.

1.5.Presuposto

O documento ten os contidos mínimos esixibles sen formar parte do alcance da presente revisión o contraste das medicións incluídas no mesmo.

2.Conclusións

A derradeira documentación achegada o 24 de outubro de 2022 sobre o Proxecto de Urbanización do Polígono Industrial da Pasaxe (Fase I) considerase, unha vez avaliada naqueles aspectos que atanguen ao Concello de Vigo, axeitada para proceder á súa aprobación inicial de conformidade co pautado nos artigos 96 da LSG e 223 e 225 do seu Regulamento de desenvolvemento.

Non obstante, recóllense dentro deste informe observacións que non se consideran incompatibles con esta proposta de aprobación inicial.

FUNDAMENTOS DE DEREITO OU VALORACIÓN XURÍDICA

I. Normativa Básica aplicable

- Lei 10/1995, do 23 de novembro, de Ordenación do Territorio de Galicia
- Lei 5/2017, do 19 de decembro, de fomento da implantación de iniciativas empresariais de Galicia,
- Lei 2/2016, do 10 de febreiro, do solo de Galicia
- Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do Solo de Galicia, e a súa modificación operada polo Decreto 92/2019, do 11 de xullo,
- Decreto 83/2018, do 26 de xullo, polo que se aproba o Plan Básico Autonómico de Galicia
- Decreto 80/2000, do 23 de marzo, polo que se regulan os plans e proxecto sectoriais de incidencia supramunicipal
- Lei 21/2013, do 9 de decembro, de avaliación ambiental
- Lei 7/1985, do 2 de abril, reguladora das bases de réxime local
- Lei 39/2015, do 1 de outubro, do procedemento administrativo común das administracións públicas,
- Lei 5/2016, do 4 de maio, do patrimonio cultural de Galicia
- Ordenanza municipal reguladora da tramitación de licenzas urbanísticas e outras formas de intervención administrativa do Concello de Vigo (Pleno de 28.10.2013; BOP de 9.12.2013)
- Instrumento de Ordenación provisional do Concello de Vigo, aprobado polo Pleno do concello de Vigo na sesión extraordinaria do 24.07.2019 (DOG núm. 160 do 26.08.2019; BOP núm. 181 do 20.09.2019)
- O resto da disposicións que poidan afectar

II- Natureza, Obxecto e Ámbito do proxecto de urbanización

O presente proxecto de urbanización ten por obxecto desenvolver as actuacións definidas polo miúdo na Modificación do proxecto sectorial do PIP; reproducindo o viario xa proxectado e recollendo as instalacións propostas na MPS do PIP, do xeito e do resultado que se reflicten no informe técnico transcrito nas alíneas precedentes, e a cuxo contido nos remitimos por non incorrer en repeticións innecesarias.



Concello de Vigo

III.-Dos Proxectos de urbanización

Tanto a Lei 2/2016, de 10 de febreiro, do solo de Galicia (LSG), como o Decreto 143/2016, do 22 de setembro, polo que se aproba o seu Regulamento de desenvolvemento (RLSG), configuran os proxectos de urbanización como instrumentos de execución dos plans, logo de que a anterior Lei 9/2002, de 30 de decembro, de Ordenación Urbanística e Protección do Medio Rural de Galicia (LOUG), abandonase a súa tradicional incardinación no eido do planeamento.

En concreto, os artigos 96 LSG e 223 RLSG, baixo o epígrafe “execución e conservación de obras de urbanización,” dispoñen que os proxectos de urbanización son proxectos de obras que teñen por finalidade executar os servizos e as dotacións establecidos no planeamento.

Os proxectos de urbanización constituirán, en todo caso, instrumentos para o desenvolvemento de todas as determinacións que o plan preveña en canto a obras de urbanización, tales como viabilidade, abastecemento de auga, rede de saneamento, enerxía eléctrica, iluminación pública, xardinaria, sinalización e mobiliario urbano, infraestruturas telefónicas e de telecomunicacións, redes de gas e outras análogas (art. 225.2 RLSG); e deberán definir, detallar e programar as obras coa precisión necesaria para que poidan ser executadas, eventualmente, por persoal técnico distinto da persoa autora do proxecto e estar subscritos por persoal técnico con habilitación legal suficiente.

Así mesmo, as empresas subministradoras e distribuidoras dos servizos prestarán a súa colaboración para garantir a redacción do proxecto e a súa execución. Neste senso, os proxectos deberán resolver o enlace cos sistemas xerais e prever as infraestruturas de conexión e as de ampliación ou reforzo.

Os proxectos de urbanización non poderán modificar as previsións do planeamento que desenvolven, sen prexuízo de que poidan efectuar as adaptacións esixidas pola execución material das obras; deben respectar, en todo caso, as condicións de accesibilidade universal e atender a criterios de calidade, sustentabilidade económica e ambiental así coma de eficiencia enerxética.

En ningún caso os proxectos de urbanización poderán conter determinacións sobre ordenación, réxime do solo ou da clasificación e deberán axustarse ás determinacións establecidas nas normas de urbanización contidas no planeamento.

En canto ao contido do proxecto, o artigo 225 RLSG, establece que abranguerá unha memoria descritiva das características das obras, planos de información e situación debidamente referenciados, planos de proxecto e de detalle, prego de prescricións técnicas, medicións, cadros de prezos, orzamento e estudos, programas e plans de seguridade e calidade que procedan.

Neste senso, en relación á suficiencia da documentación presentada e cumprimento dos aspectos técnicos de obrigada observancia, o Enxeñeiro de camiños, canais e portos da XMU en data 14.11.2022 informa con carácter favorable dito extremo, concluíndo que, *A derradeira documentación achegada o 24 de outubro de 2022 sobre o Proxecto de Urbanización do Polígono Industrial da Pasaxe (Fase I) considerase, unha vez avaliada naqueles aspectos que atanguen ao Concello de Vigo, considerase axeitada para proceder á súa aprobación inicial de conformidade co pautado nos artigos 96 da LSG e 223 e 225 do seu Regulamento de desenvolvemento*, informe que se incorpora ao texto da presente proposta e lle serve de motivación, consonte co previsto no artigo 88.6 da Lei 39/2015, do 1 de outubro, do procedemento administrativo común das administracións públicas.

IV.- Presupostos de execución

Tal e como se ten sinalado no expositivo, consta aprobado definitivamente o Proxecto de equidistribución, como presuposto de execución material dos previstos no artigo 95 da LSG desenvolto polo artigo 221 do RLSG.

V.- Formulación e tramitación

A tramitación dos proxectos de urbanización establécese no punto 3ºdo amentado artigo 96 LSG e, no seu desenvolvemento no artigo 226 RLSG, que determinan que os proxectos de urbanización serán aprobados inicialmente

polo órgano municipal competente e sometidos a información pública polo prazo mínimo de un mes (1 mes), mediante anuncio que se publicará no Boletín Oficial da Provincia e nun dos xornais de maior difusión da provincia, e con notificación individual aos propietarios afectados.

Durante a fase de información pública do proxecto, o Concello deberá solicitar os informes e autorizacións sectoriais que resulten preceptivos.

Á vista do resultado da información pública, o órgano municipal aprobaraos definitivamente, coas modificacións que resulten pertinentes.

VI.- Ámbito Supramunicipal

O proxecto sectorial do polígono industrial da Pasaxe, incide na súa meirande parte no Concellos de Gondomar e nunha pequena parte no de Vigo

Deste xeito, o artigo 11.2. da Lei 5/2017 de fomento da implantación de medidas empresariais establece que, o proxecto de urbanización deberá ser aprobado polos Concellos afectados, no seguinte senso:

“2. Os proxectos de urbanización que desenvolvan as determinacións dos proxectos sectoriais destinados ao desenvolvemento dunha área empresarial cuxo promotor sexa distinto dos indicados no punto anterior serán aprobados polo Concello correspondente, seguindo o procedemento establecido na lexislación urbanística aplicable.

Neste caso, cando o proxecto sectorial afecte máis dun concello, o proxecto de urbanización deberá ser aprobado por cada un dos concellos afectados, co obxecto de dispoñer dunha aprobación conxunta del.

VII.- Da aprobación inicial

O acto de aprobación inicial non é máis que o exame do proxecto elaborado e decisión, no seu caso, de que se inicie o procedemento legal, coa subsecuente información pública para a expedición do acto administrativo definitivo, polo que no seu propio alcance está explícita a súa natureza como verdadeiro acto de trámite dirixido a preparar e posibilitar posteriores decisións, cunha impugnabilidade independente, tanto en vía administrativa como na xurisdiccional, agás que sexa denegatorio e impida a continuación do procedemento.

VIII.- Órgano competente

A competencia para a resolución do presente expediente atribúese á Xunta de Goberno Local, de conformidade co disposto no artigo 127.1. d) da Lei 7/1985, de 2 de abril, reguladora das bases do réxime local, na redacción conferida pola Lei 57/2003, do 16 de decembro, en relación co disposto nos Estatutos desta XMU, na súa versión consolidada - AD Pleno do Concello do 06.09.2010-;

Por canto antecede, **proponse á Xunta de Goberno Local**, por se o estima procedente, a adopción do seguinte,

ACORDO

Primeiro.- Prestar aprobación, con carácter inicial, ao «Proxecto de urbanización do Polígono 1 do Proxecto sectorial de incidencia supramunicipal do Polígono Industrial “A Pasaxe” redactado pola mercantil IDOM, datado en maio do 2017. Esta aprobación inicial considerase referida, exclusivamente, á parte da urbanización que se desenvolve sobre os terreos situados no Concello de Vigo.

Segundo.- Someter o presente proxecto, inicialmente aprobado, a información pública, con toda a documentación integrante do mesmo, polo prazo de un (1) mes mediante anuncio que se publicará no “Boletín Oficial” da Provincia, na páxina web do Concello de Vigo e na sede electrónica municipal, nun dos xornais de maior difusión da provincia-computándose o remate do período dende a publicación do anuncio no Boletín Oficial da Provincia-, a efectos de que durante o amentado prazo poida examinarse o expediente nunha ligazón web creada aos ditos efectos, e no departamento de información do Concello de Vigo, en horario de oficina, previa cita telefónica, ou ben a través da sede electrónica, e formularse as alegacións e suxestións pertinentes.



Concello de Vigo

Non obstante, a presente proposta non é vinculante e o órgano competente decidirá, co seu superior criterio, o que estime conveniente.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.